



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum  
Collegiatarum, &c. per Boiariam, ac loca quædam vicina

**Hund, Wiguleus**

**Monachii, 1620**

Sequitur vidimus diplomatis Henrici tertij Imperatoris, nec non Heinrici  
sexti per Rudolphum Regem Roman.

**urn:nbn:de:hbz:466:1-13578**

phonis tertij. Ducis Carinthiæ, cum liberis carerent, Eberspergarcem in ædem Diui Benedicti commutauerunt, tradideruntque Monachis inter alia Pessenhausen. Item in Austria Ponsenpoig, & Ibs, quæ cum Monasterio longius sita essent, longo post tempore, nempe anno 1180. Ducibus Austriæ, pro commodioribus ac propinquioribus prædiis data & commutata sunt.

FVNDATIONEM seu institutionem huius Monasterij, per Adalberonem tertium cum coniuge factam, Henricus tertius Imperator, & idem Dux Boiorum confirmauit, Anno 1040. cuius diplomatis tenor postea sequitur.

IDEM quoque Adalbero Comes Monasterium Beurn ad radices Alpium, in superiori Bauaria situm, ab Ungaris vastatum, cuius curator seu Aduocatus erat, refecit, ac eiectis Augustinianis, Benedictinis Monachis reddidit, ac duodecim Monachos Tegernseenses eo transfudit. Obiere isti coniuges fundatores eodem anno, nempe 1045. atque in his defect nobilissima hæc familia Comitum à Sempra & Ebersperg.

*Sequitur vidimus diplomatis Henrici tertij Imperatoris, nec non  
Heinrici sexti per Rudolphum Regem Roman.*

**R**VDOLPHVS Dei gratia Rom. Rex, semper Augustus, vniuersis Romani Imperij fidelibus gratiam suam & omne bonum. Nouerit præsens ætas & successura posteritas, quod nos priuilegium claræ recordationis Henrici tertij, Roman. Regis, Prædecessoris nostri nobis exhibitum vidimus & inspeximus sub hac forma,

**I**N nomine sanctæ & indiuiduæ Trinitatis, Henricus diuina fauente clementia Rex, qui suis prædiis, reb. & possessionibus, licet caducis, diuino cultu Sanctorumq; ob commemorationem ditauerit Ecclesias, in hac & in æterna vita sperat sibi præmia permansura. Quapropter omnes sanctæ Ecclesiæ fideles, tam præsentibus quam futuri noscant, nostrique Successores atque comperiant, qualiter quidam nobis Comes, nomine Adalbero, consentiente vxore sua Richliada, Christum hæreditatis suæ desiderans fieri possessorem, quoddam Monasterium Monachorum ad Regulam S. Benedicti, in honore verò S. Sebastiani Martyris, in loco, nomine Ebersperg, in Comitatu Steinheringa, de prædio, & de collaborato suo fundauit, & pro suo libitu, Deo aspirante, perfectum, sanctique Sebastiani Ministerio & nomini dedicatum, in nostram potestatem liberandi gratia transfudit, & suæ suorumque proprietati ac potestati deinceps in futurum eo tenore abalienauit, quatenus post acceptam nostræ immunitatis chartam, Idem ipse præfatus Adalbero, fraterque eius Eberhardus, si superuixerit ius Aduocati legitimum omnibus diebus vitæ suæ in eodem tantum Monasterio retineant. Post obitum verò illorum, idem Monasterium ex integro in potestate Abbatis & Monachorum ibidem, Deo sub regula S. Benedicti militantium reuertatur, quatenus Abbas eiusdem loci sub nostra, Successorumque nostrorum munificentia liberam habeat potestatem Aduocatum, quem sibi necessitas & utilitas dictauerit, subrogandi. Congregatio autem Monasterij per successiones temporum liberam habeat electionem, Abbates regulares, iuxta decretum sancti Benedicti, sine omni contradictione substituendi.

Iustis

Iustis igitur prædictorum Comitum petitionibus annuentes eo quo rogauerunt tenore, præfatum Monasterium, cum Monachis & omnibus ibidem in præfens collatis, vel in posterum conferendis, in nostram immunitatem recipimus, & hoc regali præcepti nostri libertate donatum & perpetuo confirmatum nostræ manus subscriptione roborauimus, & in æternæ memoriæ testimonium sigilli nostri impressione insigniri iussimus. Signum Domini Henrici III. Regis inuictissimi, Theodoricus, Cancellarius vice Bardonis Archicapellani recognouit. Data Calend. Januarij, indictione octaua. Anno Domini carnate nis 1040. An. autem Dñi Henrici ordinationis XII. Regni verò primo. Actum Ratisbonæ feliciter, Amen.

*ITEM VIDIMVS ET AUDIMVS PRIVILEGIUM*

*clara recordationis Henrici sexti Rom. Imperatoris, sub hac forma conscriptum. :*

**I**N nomine sanctæ & indiuiduæ Trinitatis. Henricus sextus, diuina fauente clementia Romanorum Imper. & semper Augustus. Si ad Ecclesias & loca venerabilia benignè dirigimus aciem mentis nostræ, ac eorum profectib. intendimus diligenter, nedum æternæ retributionis merita, sed laudis præconia consequimur temporalis. Hinc est quod bonam ac religiosam consuetudinem antiquorum Regum seu Imperatorum imitantes, honestis personis atque venerabilib. locis Majestatis nostræ defensionem ac præsidium impendere debem, quatenus & Imperij nostri sublimitas ex inde clarius eniceat, & diuina gratia largius nobis salutem & auxilij suffragium impendat. Nos equidem ex relatione illustrium virorum & ex priuilegiis Antecessorum nostrorum liquidò compertum habemus, quod Comes Adalbero, Nobili exortus pro sapia, quoddam Monasterium, Ebersperg nomine. in Comitatu Stainharing situm, magnis atq. copiosis expensis laudabiliter condidit, diuitiis & magna gloria sublimauit, & auctoritate ac priuilegiis plurimùm Antecessorum nostrorum regalis Abbatie titulo decorauit, vt in honore sancti Sebastiani Martyris diuinus ibidem cultus perpetualiter celebretur. Cuncta quoque ad præfatem Cœnobiũ pertinentia, vel quæ in futuro munificentia Regum & Imperatorum, largitione Pontificum, oblatione fidelium, adipisci poterit, tam quæ sitis quàm inquisitis, in partibus & in Alpibus, pascuis, syluis, aquis, aquarũ ue decursibus, venationibus, piscationibus, viis, & inuis, cum decimatione Abbatie & præfenti ac futura syluarũ extirpatione, sub Abbatis potestate, loci eiusdem, absque omni personarũ contradictione perenniter esse constituit. & vbicunq. eorum naues & carri vel sonmarij aduenerint, absque telonei transeant exactione, &c. Nos igitur inuicta diuinæ gratiæ prædictorum Antecessorum nostrorum vestigia sequentes, cuncta quæ illi statuerunt, & nos eadem Imperiali auctoritate approbamus, Ecclesias quoque & Basilicas in dotibus suis erectas, cum fundis & prædiis ad eas pertinentibus & plebe, dicto Monasterio confirmamus; etiam quæcunq. generantur in humo, vel quæ latent sub terra, siue sint venæ salis, vel ferri, argenti vel auri, vel cuiuslibet metalli. Nouerit ergo vniuersitas fidelium, quod iam prædictum locum sic in nostram & in omnium successorum nostrorum Regum & Imperatorum protectionem recepimus, vt sit regalis Abbatia in perpetuum, omnimoda libertate sublimata, & ab omni subiectionis obligatione libera, vt nullus Archiepiscoporum, Episcoporum, Ducum, Marchionum, Comitum vel aliquorum omnino persona præsumat hanc molestare, vel à iuris sui statu di-

minuere